

Hafnarfirði 19. október 2012

Bæjarstjóri Hafnarfjarðar
Guðrún Ágústa Guðmundsdóttir

Á síðasta aðalfundi Félags grunnskólakennara í Hafnarfirði (FGH) komu fram mótmæli félagsmanna vegna þess að störf matráða í öllum grunnskólum bæjarins hafa verið lögð niður. Starfsfólki skólanna gefst ekki lengur kostur á njóta starfskrafta þeirra eða þjónustu.


Umræður sköpuðust einnig um að starfsfólki bæjarins væri mismunað. Á meðan sumir fái niðurgreiddan mat á veitingastöðum megi aðrir gera sér að góðu upphitaðan skólamat sem greiddur er fullu verði. Kennarar voru ósáttir við að þeim stæði ekki til boða að kaupa sér máltíð á veitingastöðum á sömu kjörum og annað starfsfólk bæjarins.

Í kjölfarið sendi stjórn félagsins bréf til fræðsluráðs, dagsettu 25. nóvember 2011, komu þar fram umkvartanir frá grunnskólakennurum í Hafnarfirði vegna þessa.

Sú breyting varð á að starfsfólk bæjarskrifstofunnar borðar ekki lengur á veitingastöðum í hádeginu en siðferðið er engu að síður ennþá tvöfalt. Starfsfólk skrifstofunnar hefur sér matseðil hjá Skólamat. Sá matseðill er tvíréttaður alla daga (súpa og aðalréttur) og mun fjölbreyttari en sá sem stendur kennurum til boða úti í skólunum og er eldaður með smekk og bragðlauka barna í huga. Sem dæmi má nefna að á meðan skrifstofufólkið fékk ávaxtafylltan lambaframpart með sætkartöflusósu og súpu máttu kennarar gera sér að góðu skólalabjúgu með pakkamús.

Kennarastarfið er erilsamt og veldur oft miklu álagi. Í dag er staðan þannig í flestum skólum að kennarar þurfa að standa í biðröðum í matsal nemenda til að sækja mat sinn. Hjá flestum er hádegishléið aðeins 30 mínútur. Það fer oft einhver tími í að sinna nemendamálum þegar beðið er í þessum biðröðum. Í sumum skólum mega kennarar fara fram fyrir nemendum til að sækja sér matinn, en þykir það óþægilegt og ekki sýna gott fordæmi. Flestir eru þess vegna með nesti. Margir velja að borða skyrið sitt við kennaraborðið og nýta tímann í annað.

Hádegishléið er mikilvægur vettvangur félagslífs og stuðlar að liðsheild á hverjum vinnustað. Þar hittist fólk, á skoðanaskipti og þjappar sér saman. Við í stjórn FGH finnum fyrir vaxandi óánægju á kennarastofum bæjarins. Grunnþarfir skipta miklu máli þegar kemur að líðan starfsfólks. Með góða magafylli er líklegra að umræður á kennarastofunni verði jákvæðar. Ástandið kemur niður á félagslífi kennara, hefur margþætt áhrif á vinnustaðamóralinn og líðan kennara í starfi.

	Hafnarfjarðarbær
Innk:	19. 10. 2012
Málsnr:	121 0430
Bréfal:	222

Í framhaldi af þessu viljum við einnig taka fram að máltíðirnar eru seldar of dýrt til kennara. Samkvæmt kjarasamningi KÍ skulu starfsmenn greiða Kr. 552,40 fyrir hverja máltíð þar sem vísitalan var 198,23 þann 1. janúar 2012. Verð á máltíð hjá Skólamat er hinsvegar 650 krónur.

Við leggjum fram þá ósk að kennarar fái að sitja við sama borð og annað starfsfólk bæjarins. Að þeim gefist kostur á að kaupa sama mat, á réttu verði og fái hann afgreiddan inn á kennarastofur skólanna.

Með vinsemd og virðingu

Stjórn Félags grunnskólakennara í Hafnarfirði

Elín Gísladóttir, Áslandskóli

Guðrún Brynja Rúnarsdóttir, Hraunvallaskóli

Gunnur Baldursdóttir, Hvaleyrarskóli

Margrét Þórisdóttir, Lækjarskóli

Eyrún Baldvinsdóttir, Setbergsskóli

Lára Fleckenstein, Víðistaðaskóli

Anna Lára Pálsdóttir, Öldutúnsskóli